





九經古義卷五

東吳惠棟學

毛詩古義

王伯厚云近世說詩者以關雎爲畢公作謂得之張超或謂得之蔡邕未詳所出棟案藝文類聚三十五卷載張超誚青衣賦云周漸將哀康王晏起畢公喟然深思古道感彼關雎德不雙侶但願周公妃以窈窕防微消漸諷諭君父孔氏大之列冠篇首案其文云康王晏起與魯詩同深思古道又同韓詩超漢末人范書有傳古文

苑云蔡伯喈作青衣賦志蕩詞淫故張子並作此以規之邕賦亦載集中無畢公作關雎語

采采卷耳不盈頃筐傳云頃筐易盈之器也荀卿子引此詩亦云頃筐易滿也卷耳易得也然而不以貳周行大雅行葦云敦弓既堅傳云天子敦弓敦與彫古今字荀卿子云天子彫弓諸侯彤弓正義以天子彫弓為事不經見非也經典序錄云孟仲子傳根牟子根牟子傳趙人孫卿子孫卿子傳魯人大毛公此傳及行葦傳蓋用其師說王伯厚云毛傳以平平為辨治又以五十矢為

束皆與荀子同

鄭氏詩譜云魯人大毛公為詁訓傳於其家河間獻王得而獻之以小毛公為博士

徐堅曰荀卿授魯國毛亨作詁訓傳以授趙國毛萇時人因謂亨為大毛公萇為小毛公後儒以為毛萇作詩傳非也

肅肅兔置施于中逵韓詩作中馗薛君曰馗中設九交之道也案說文馗正字也逵或字也當从韓詩

釋草云中馗茵釋文云郭音仇舍人本作中鳩是馗有鳩聲與仇協

南有喬木不可休息釋文云休息並如字古本皆爾本或作休思此以意改爾案韓詩外傳息作思樂記云使其

文足論而不息荀卿子息作認說文云認思之意从言
从思禮記多古或思息通也

江之永矣不可方思說文于羨字下引詩云江之羨矣韓

詩同爾雅云羨長也郭璞云羨所未詳是未攷韓詩齊

鍾鐘云士女考壽萬年景保其身又子子孫孫羨保用
昌是羨乃古永字韓詩从古文故作羨說文永部別載

羨字未
之攷也

采蘩詩云夙夜在公尉氏令鄭君碑云夙夜在公即夙字

說文曰夙早敬也从夙持事雖夕不休早敬者也義雲

章及古鐘鼎文皆作夙徐鉉曰今俗作夙諱春秋有季
孫夙左傳

作宿从
古文

采蘋云于以湘之維錡及釜傳云湘亨也正義云爾雅無

文傳以當時驗之案漢書郊祀志云皆嘗鷓亨上帝鬼

神小顏云鷓亨煮而祀也韓詩采蘋曰于以鷓之唯錡

及釜湘訓亨無攷當从韓詩作鷓廣雅云鷓飪也音傷

白茅純束箋云純讀如毛戰國策曰錦繡千純高誘曰純

音毛束也左氏傳云執孫蒯于純留漢書作毛留是古

文皆以純作屯古文純作屯
見說文

威儀棣棣不可選也傳云物有其容不可數也案朱穆集

載絕交論云威儀棣棣不可算也鄭注論語云算數也

與毛訓同漢書車丞相贊云斗筭之徒何足選也古選與撰通周禮大司馬云撰車徒鄭注云撰讀

曰算算車徒謂數擇也

谷風云不遠伊邇薄送我畿傳云畿門內也案呂覽正月

紀曰出則以車入則以輦務以自佚命之曰招蹙之機

高誘曰招至也蹙機門內之位也士冠禮注云闔門蹙也闔閭也古文闔為

紮闔為蹙春秋傳曰婦人送迎不出門見兄弟不踰闔禮記云內言不出于閭蹙即蹙也或蹙字之誤是蹙闔

字通蹙即閭也乘輦于宮中遊翔至于蹙機故曰務以自佚也

詩曰不遠伊邇薄送我畿此不過蹙之謂畿與機古字

通

旌邱詩云狐裘蒙戎蒙徐邈音武邦反春秋傳作旌茸故

讀从之棟案蒙本與旌通管子五輔篇云敦蒙純固義

作敦旌荀子引詩曰受小共大共為下國駮蒙今詩蒙

作旌小戎詩云蒙伐有苑箋云蒙旌也

有力如虎執轡如組傳云組織組也武力比於虎可以御

亂御衆有文章言能治衆動於近成於遠也呂氏春秋

曰詩曰執轡如組孔子曰審此言也可以為天下子貢

曰何其躁也孔子曰非謂其躁也謂其為之於此而成

文於彼也聖人組脩其身而成文於天下矣大毛公與
呂氏同時蓋皆有所受之也

赫如渥赭堯廟碑云赫如屋赭案易鼎九四曰其形渥鄭

元本作剝音為屋云三公傾覆王之美道屋中刑之古形

與刑通又傳氏易萃初六一渥為关今易作握鄭元讀為夫

三為屋之屋蓋古文渥字或省文或屋字反从水旁五帝

紀帝嚳溉執中而徧天下故諸儒訓詁各異也

北風詩云其虛其邪箋云邪讀如徐曹大家注幽通賦引

作徐蓋三家之說也弟子職云志無虛邪亦讀如徐虛

徐狐疑也

柏舟詩云實為我特韓詩特作直高誘注呂覽云特猶直

也棟案直猶植也繁陽令楊君碑以植為特故韓詩作

直義得通也穀梁傳曰植言同時本亦作特王藻注云

植讀皆如直道而行之直是植與特同又讀為直士相

見禮曰喪俟事不植帛定本作特義雲切韻特作掩

中葺之言不可道也玉篇引作葺云中夜之言也韓魯詩

同廣雅曰寤夜也大元元攤曰晝以好之夜以醜之故

下云言之醜也

不可讀也傳云讀抽也匡謬正俗曰抽當為箝箝讀也从

竹搯聲搯即古抽字皆依說文為說棟案說文云箝讀書也又

手部搯或从抽太史公曰紬史記石室金匱之書紬亦

讀也王莽傳云或紬其兩脅師古曰紬與抽同呂覽十月紀云

涉血盪肝高誘曰盪古抽

象服是宜傳云象服尊者所以為飾說文曰祿飾也史游

急就篇云祿飾刻畫無等雙漢書外戚傳祿飾將暨往

問疾師古曰祿盛飾也象本祿字古文省䟽以為象骨

飾服失之

鶉之奔奔高誘注呂覽引作賁云色不純也左傳禮記皆

作賁案漢有虎賁舊作奔古字通白駒詩云賁然來思

傳云賁飾也鄭箋引周易賁卦以釋之徐邈音賁為奔

真得古音矣今人以賁卦之賁及詩賁然來思皆音彼

義反失之詳易攷

升彼虛矣以望楚矣傳云虛漕虛管子大匡曰狄人伐衛

衛君出致于虛注云虛地名

干旄詩云素絲祝之箋云祝當作屬屬著也鄭氏攷工函

人注云屬讀如灌注之注戰國策曰一舉而注地於楚

高誘曰注屬又周禮瘍醫職云祝藥劑殺之齊注云祝當為注讀如注病之注聲之誤也注讀附著藥淮南子曰冶工之鑄器高誘曰鑄讀作祝禮記樂記云封帝堯之後于祝注云祝或為鑄蓋古字祝屬注鑄皆同音陸氏釋文音祝為之蜀反未詳

考槃在澗韓詩澗作干棟案澗當作間與寬諼協韻間與干古今字聘禮記凡庭實隨入左先皮馬相間可也注云古文間作干文選注五卷引韓詩云考槃在干地下而黃曰干

庶姜孽孽釋文云孽魚竭反徐五謁反韓詩作軼牛遏反長貌呂覽云宋玉築為孽臺高誘曰孽當作軼孽與軼其音同詩云庶姜軼軼高長貌也

芄蘭詩云能不我甲傳云甲狎也徐邈音胡甲反匡謬正俗曰甲雖訓狎自有本音不當便讀作狎其說非也漢儒訓詁音義相兼毛傳如汝墳起如調飢調朝也小星維參與昴集韻作昴昴雷也騶虞彼茁者葭茁出也谷風亦以御冬御禦也葛屨摻摻女手摻摻猶織織說文作織宛邱子之湯兮湯蕩也東山蒸在桑野蒸寘也破斧四

國是皇皇匡也

齊詩作匡

常棣蒸也無戎丞填也蓼蕭為龍

為光龍寵也

左傳作寵

六月如輕如軒輕輦也正月袞如威

之威滅也

左傳作滅

小旻是用不集集就也

韓詩作就

小弁譬彼

壞木壞痍也

說文作痍

鴛鴦摧之秣之摧莖也文王陳錫哉

周哉載也

左傳國語作載

大明倪天之妹倪磬也

韓詩作磬

棫樸追

琢其章追彫也文王有聲適求厥寧適述也

孫炎爾正注云適古

述王后維翰翰幹也

同音寒

卷阿似先公酋矣似嗣也蕩

侯作侯祝作詛也崧高往迓王舅迓記也蒸民古訓是

式古故也我儀圖之儀宜也江漢矢其文德矢施也

禮記

作弛與

閔予小子繼序思不忘序緒也良耜畎畎良耜

畎畎猶測測烈祖駿假無言駿總也長發率履不越履

禮也

韓詩作禮

如此類不可悉舉皆音義相兼者芄蘭詩甲

字韓詩本作狎尚書多方甲于內亂鄭王皆以甲為狎

古文省少以甲為狎遂有狎音非假借也經傳中惟徐

氏釋音獨得古人之義小顏輒斥以為非何也

邶風日月云報我不述傳云述循也箋云不循禮也釋文

云述本亦作術文選注引韓詩曰報我不術薛君曰術

法也棟案術古文述薛夫子訓為法非也士喪禮云筮

人許諾不述命注云述循也既受命而申言之曰述古

文述皆作術祭義術者鄭氏云術當為述聲之誤也

鄭風清人詩云河上乎逍遙釋文曰逍遙本又作消搖說

文新附曰逍遙猶翱翔也徐公文曰詩本用消搖字此

二字字林所加棟案後漢崔駰撰張平子碑已用逍遙

字不始于呂諶也但經典中祇合用消搖耳近有儻父作字書名

正字通謂莊子消搖游篆文已從走其妄如此

羔裘字亦作求云舍命不渝箋云舍猶處也王肅云舍受也棟

案舍猶釋也管子小問曰語曰澤命不渝信也徐廣史

記注云古釋字作澤周頌載芟曰其耕澤澤爾雅作釋

釋今亦讀為釋康成周禮注曰舍即釋也又士冠禮注

云古文釋作舍是澤命即舍命也蓋古有是語詩引之

以美君子之信列子云其人舍然大喜曉之亦舍然大喜舍皆讀為釋

子之昌兮侯我乎堂兮箋云堂當為棖棟案古文論語有

申棖史記作申堂漢王政碑云有羔羊之繫無申棠之

欲堂與棠同見魯峻碑是堂本與棖通故讀為棖非鄭之改字也

子衿傳云青衿青領也正義曰釋器云衣皆謂之襟李巡

曰衣皆衣領之襟孫炎曰襟交領也衿與襟音義同棟

案張有復古篇云衿衣系也从糸今古作綫別作衿非又云衿衽也从衣金別作襟非衿與襟通與衿異正義混衿襟為一非也王伯厚云漢石經作子衿得之

縞衣綦巾聊樂我員釋文曰員本亦作云商頌箋曰員古文作云言古文以員為云也韓詩作魂案魂亦與云通

中山經曰其光熊熊其氣魂魂魂猶云云也呂覽園道篇曰雲氣西行云云然云亦古薛夫子訓魂為神失

之春秋正義引孝經說云魄白也魂云也是竟與云通云動也易繫辭云動靜云為

敝筭在梁其魚魴鰈箋云鰈魚子也反古魂正義曰鰈魚子

釋魚文今爾正李巡曰凡魚之子總名鯤也鯤鰈字異

盖古字通用或鄭本作鯤棟案說文鰈从魚翬省聲翬本昆弟字古魂切周人謂兄曰翬爾正从弟為翬从魚為

鰈與鯤同物同音非通用字也汗簡云古論語昆作梟又云石經鰈作鳧

齊子發夕傳云發夕自夕發至旦小宛詩云明發不寐薛夫子王叔師皆訓發為旦故焦氏易林云襄送季女至於蕩道齊子曰夕留連夕處旦夕猶發夕也說文云禮昏鼓四通為大鼓夜半三通為戒晨旦明五通為發明

發明猶旦明也下經云齊子愷悌爾雅云愷悌發也郭璞云發發行也

河水清且漣猗釋文云漣力瀝反案說文漣即瀾或字也

音洛干切爾雅釋水正作瀾漸漸之石箋云與眾豕涉入水之波漣漣即瀾字故

一本作瀾陸氏音連亦誤

胡取采三百億兮傳云萬萬曰億箋云十萬曰億賈逵唐

固注國語皆以萬萬為億棟案徐岳數術記遺曰黃帝

為法數有十等及其用也乃有三焉十等者億兆京垓

秭壤溝澗正載三等者謂上中下也其下數者十十變

之若言十萬曰億十億曰兆十兆曰京也中數者萬萬

變之若言萬萬曰億萬億曰兆萬兆曰京也上數者數

窮則變若言萬萬曰億億億曰兆兆兆曰京也甄鸞曰

毛注曰萬萬曰億此即中數也鄭注云十萬曰億此即

下數也鄭注以數為多故合而言之上數宏廓世不可

用韋昭楚語注云十萬曰億古數也今人乃以萬萬為億是中數之說始于秦漢也

三歲貫女魯詩貫作宦外傳國語云入宦於吳韋昭曰宦

為臣隸也嘯堂集古錄有臣數印其字作臣數貫當讀為宦徐邈音官此

宦字之誤傳云貫事也蓋本爾疋而與宦義亦通婁壽

以為宦即貫字恐未然也

素衣朱襮傳云襮領也諸侯繡黼丹朱中衣箋云繡當為
 綃綃黼丹朱中衣中衣以綃黼為領丹朱為純棟案鄭
 氏此說蓋从魯詩見士昏禮注焦贛曰素衣朱襮衣素表朱
 也

見此聚者傳云三女為聚案說文云三女為姝姝美从女

叔省聲字林从女叔不省廣韻引此傳亦作姝周伯琦六書正

譌云許云見此叔者俗用聚非

有杖之杜云噬肯適我傳云噬逮也韓詩噬作逝云及也
 案爾疋釋言云噬逮也與毛傳合从疋不从口方言云

噬逮也北燕曰噬逮通語也

載儉歌驕箋云載始也始田大者謂達其搏噬始成之也

朱子謂以車載犬休其足力恐非重人賤畜之義張衡

西京賦云屬車之筮載儉獄獮寧得謂以副車載犬耶

蓋文似相連而意不屬耳

小戎箋云此羣臣之兵車故曰小戎案齊語及管子云十

軌為里故五十人為小戎里有司帥之韋昭曰此有司

之所乘故曰小戎古者戎車一乘步卒七十二人今齊

五十人棟謂韋氏所據乃司馬濃文六月詩所謂元戎

也七十二人為大戎五十人為小戎其周之制與

無衣云與子同澤傳云澤潤澤也箋云禕褻衣近污垢案說文禕綺也綺為脛衣非褻衣也釋名曰汗衣近身受汗之衣也詩謂之澤作之用六尺裁足覆背汗衣滋液故謂之澤毛說是也釋文不云鄭異字正義謂易傳為禕非也

宛邱詩云子之湯兮傳云湯蕩蕩也陸氏曰舊音他浪反棟案湯本古蕩字王逸引此詩正作蕩猶蕩蕩無思慮兒也古文論語云君子坦蕩蕩鄭康成注云魯論作坦湯

是古皆以湯為蕩古又以蕩為湯地理志河內蕩陰縣小顏音湯或音他郎反者非

穀旦于差王肅音嗟韓詩作嗟古嗟字或省文作差然此詩差字仍當从鄭音初佳反

可以棲遲嚴發碑云西遲衡門說文云西鳥在巢上象形日在西方而鳥棲故因以為東西之西或作棲从木妻是西為古文棲也

防有鵲巢印有音茗後漢志注博物記云印地在陳國陳縣北防亭在焉詩云印有音茗防有鵲巢

胡為乎株林毛氏傳云株林夏氏邑劉昭曰陳有株邑蓋朱襄之地

有蒲與荷正義曰如爾雅則夫渠之莖曰茄見釋此言荷草

者意欲取莖為喻亦以荷為大名故言荷耳樊光注爾

雅引詩有蒲與茄然則詩本有作茄者案揚雄反離騷

曰衿芟茄之綠衣兮被夫容之朱裳師古曰茄亦荷字

見張揖古今字譜

檜王符潛夫論云會在河伊之間其君驕貧嗇儉減爵損

祿羣臣卑讓上下不臨詩人憂之故作羔表閔其痛悼

也匪風冀君先教也會仲不悟董氏伐之上下不能相

使禁罰不行遂以見凶余案節信此言蓋本周書史記

此高莘時有鄆之君非外傳檜仲也是以汲郡古今云

帝高莘十六年帝使重帥師滅有鄆左史戎夫所云重

氏伐之鄆君以亡是也世本云陸終娶鬼方氏妹曰女

嬪生子六人四曰求言是為鄆人鄆人者鄭是宋衷曰

也妘姓所出鄆國也陸終在高辛之後或因有鄆之墟而封之後

為鄭武公所滅耳王符之說失之

素冠詩云棘人藥藥兮傳云棘急也棟案棘古瘠字義雲

章作瘵義雲切韻又作腓見汗字相似因誤為棘呂覽

任地曰肥者欲棘高誘曰棘羸瘠也詩云棘人之藥藥

東山詩云零雨其濛王逸引作蒙云威兒說文引作需从雨叩象零

形石鼓庚文云需雨奔流又鐘鼎文皆以需為令

周公東征四國是皇傳云皇匡也董氏曰齊詩作匡賈公

彥引以為据則是皇讀為匡爾疋皇匡皆訓為正白虎

通曰言東征述職周公黜陟而天下皆正也

伐木許許傳云許許柀兒說文引作所所云伐木聲也从

斤戶聲許所古字通尋詩意毛說為長朱子詩傳引淮南子

云舉木者呼邪許案邪許者舉木之聲非伐木也漢書疏廣

傳數問其家金尚有幾所師古曰幾所猶言幾許也禮說曰所者削柀猶斯者析薪故斯所皆从斤說文依毛

傳而云所所伐木聲遠聞其聲近見其貌傳言貌者以伐木之柀與縮酒之茅

俾爾單厚傳言單信也或曰單厚也箋云單盡也棟案王

符潛夫論引此詩本作亶故傳訓為信鄭本作單故為

盡亶與單古今字周頌云於緝熙單厥心單國語引作亶

采薇云歲亦陽止又杖杜云日月陽止案董仲舒雨雹對

云十月陰雖用事而陰不孤立此月純陰疑于無陽故

謂之陽月詩人所謂日月陽止者也鄭采薇箋用董說

九經古義 卷五 八十九
由儀萬物之生各得其宜也宜束哲補亡詩引作儀李善
注云毛萇詩傳儀宜也倉頡篇曰宜得所也此與角弓
如食宜餽文王宜鑒于殷皆當从韓詩禮記作儀訓為
宜尚書般庚曰若顛木之有由藥說文由作皂云古文
作由木生條也是由訓為生故序稱萬物之生徐鍇云
由本古文皂後人通用為因由等字

為龍為光傳云龍寵也案龍讀為寵昭十二年傳云公賦
蓼蕭叔孫昭子曰宴語之不懷寵光之不宣令德之不
知同福之不受焦氏易林曰蓼蕭露瀼君子寵光鳴鸞

雍雍福祿來同是書傳皆讀龍為寵王肅周易師之九
二象曰在師中吉承天龍也訓為寵今易作寵知龍為
古文寵故傳云龍寵也商頌長發曰何天之龍箋云龍
當作寵寵榮名之謂

天保云吉蠲為饎釋文云蠲舊音圭案呂覽曰臨飲食必
蠲絜高誘曰蠲讀為圭蓋三家詩本作吉圭惟饎故高
讀从之 孟子曰卿以下必有圭田趙岐曰圭潔也

六月云如輕如軒傳云輕摯也攷工云大車之轅摯其登
又難註云摯輶也輶人云軒摯之任淮南人間云道者

置之前而不輶錯之後而不軒高誘曰輶音志从車不

从手

既夕禮云志矢一乘軒輶中鄭氏云輶輶也是輶又作輶

搏獸于敖水經注引云薄狩于敖東京賦同徐堅初學記

引作搏狩棟案狩本古獸字故鄭箋云田獵搏獸也何

休公羊注云狩猶獸也淮南覽冥云狡蟲死高誘曰蟲

狩也漢石門頌云蕙虫弊狩婁壽曰義作斃獸若經文

作搏獸鄭之箋不已贅乎

唐石經仍作搏獸

既伯既禱說文引云既禡既禡云禱牲祭也周禮大司馬

云有司表貉先鄭云貉讀為禡禡謂師祭也又甸祝表

貉杜子春讀貉為百爾所思之百書亦或為禡後鄭肆

師注云貉讀為十百之百蓋貉讀為禡又讀為百百即

伯也字異而音義皆同甸祝又云禡牲禡馬杜子春云

禡禱也詩云既伯既禱後鄭云禡如伏誅之誅今侏大

字棟案尚書無逸曰講張為幻馬融本作輶爾疋及詩

又作俯毛傳云俯揚雄國三老箴曰負乘覆餗茲寇侏

張李善曰輶與侏古字通然則禡俯講侏四字皆同音

也

吉日庚午翼奉曰南方惡行廉貞寅午主之西方喜行寬

大己酉主之二陽並行是呂王者吉午酉也詩曰吉日
庚午棟案穆天子傳云天子命吉日戊午又云吉日辛
酉天子升于昆侖之邱此王者吉午酉之證也穆天子
書出于晋代而奉說與之合當亦傳之先達者

鶴鳴于九臯韓詩章句曰九臯九折之澤楚辭章句澤曲
曰臯王充亦言鶴鳴九折之澤孫叔敖碑云收九臯之
利婁壽曰本澤字云水省非也臯即臯字馬文淵所謂
四十羊也案文當云四下半半音工刀反从四半
聲漢時已誤半為羊故馬文淵辨之

正月云赫赫宗周衰如威之傳云威滅也案靈臺碑云興
威繼絕駱氏竟銘云胙虜殄威詛楚文伐威我百姓皆
以威為滅

十月之交云蕃維司徒古今人表蕃作皮案魯國有蕃縣
應劭曰蕃音皮是蕃有皮音故亦作皮也儀禮既夕云
設披鄭注云今文披皆為藩案披从手皮聲見說文藩與
蕃同故以披為藩聲之誤也鄉射禮云君國中射則皮
樹中注云今文皮樹為繫豎是古皮繫同音故韓詩作
繫白袞魯國記云陳逸子游為魯相蕃子也國人為諱
改曰皮白袞晋人未識古音故有是說古蕃繫皆音婆
春秋傳有蘧罷

音皮公羊作頗
是皮亦有婆音

家伯維宰案古今人表有大宰冢伯是家伯作冢伯故鄭箋以冢宰釋之

豔妻煽方處說文煽傳云豔妻褒如美色曰豔案魯詩十

月之交云此日而食于何不臧又曰閻妻扇方處言厲

王無道內寵熾盛政化失理故致災異日為之食為不

善也中候擿雒戒曰剡者配姬以放賢山崩水潰納小

人家伯罔主異載震孔穎達云剡豔古今字以剡對姬

為其姓以此知非褒如也鄭从魯詩為厲王時事是也

下經云皇父孔聖作都于向汲郡古文幽王元年王錫大師尹氏皇父命六年皇父作都于向鄭氏詩序箋云

作詁訓傳時移其篇第毛公秦人必有所據未可盡非

抑此皇父箋云抑之言噫噫是皇父疾而呼之徐邈音噫

韓詩云抑意也案意即噫也周頌噫嘻成王定本作意

淮南繆稱曰意而不戴高誘曰意恚聲抑本與意通蔡

邕石經論語云意與之與古古文意作抑大雅有抑篇外傳作懿韋

昭云懿讀曰抑

雨無正云若此無罪淪胥以鋪韓詩云熏胥以痛熏帥也

胥相也痛病也言此無罪之人而使有罪者相帥而病

是其大甚後漢書注漢書叙傳云烏乎史遷薰胥呂刑晋灼曰齊韓魯詩作薰薰帥也从人得罪相坐之刑也顏籀曰韓詩淪作薰薰者相薰蒸棟謂薰閣也春秋傳云臣韓起為閣薰與閣通易艮之九三曰厲薰心荀爽本薰作勳虞翻本又作閣胡廣漢官解詁曰光祿勳勳猶閣也易曰為閣寺是薰與閣通之證胥胥靡也漢書楚元王交傳曰申公白生諫不聽胥靡之應劭引此詩云淪胥以鋪胥靡刑也呂氏春秋曰傳說殷之胥靡高誘曰胥靡刑罪之名詩言王赦有罪之辜而反坐無罪者以

薰胥之刑也三家詩得之毛公誤也荀爽本云厲動心注云互體有震震

為動古動勳字每相亂樂記謹以立動注云動或為勳淳于長夏承碑云策薰著于王室劉向說苑曰大王有

聖仁之恩故事勳育

小旻云謀夫孔多是用不集發言盈庭誰敢執其咎傳云集就也韓詩作就傳見外尚書顧命曰克達殷集大命蔡邕石經達作通集作就是集讀為就與咎協韻也

如匪行邁謀是用不得於道案左傳襄八年子駟引此詩杜元凱注云匪彼也行邁謀謀於路人不得於道眾無適從顧炎武云案詩云謀夫孔多是用不集發言盈庭

誰敢執其咎則杜解為長棟案此必三家詩有作彼者故杜據彼為說雨無正云如彼行邁其意畧同顧又云古有以匪字作彼者襄廿七年引詩彼交匪敖作匪交匪教案漢書引桑扈詩亦作匪又荀子勸學云詩云匪交匪紓天子所予今采菽詩上匪字作彼或古匪彼通用如顧說也

九經古義卷五

九經古義卷六

東 吳 惠 棟 學

毛詩古義

小宛詩曰握粟出卜是何能穀古者卜筮先用精鑿之米以身神謂之糝東山經曰糝用稌米淮南說山曰巫用糝藉郭璞高誘皆云祀神之米楚詞云巫咸將夕降兮懷椒糝而要之王逸曰言巫咸將下願懷椒糝要之使筮者占茲吉凶之事是也故日者列傳云卜而有不審不見奪糝詩言貧者不得精鑿之米貞于陽卜而但持

卷握之粟求兆於猪肩羊膊雖得吉卜安能為善乎管子云守龜不兆握粟而筮者屢中言無與於吉凶也王精

逸郭璞皆音所莊子云鼓筴播精司馬彪曰簡米曰精釋文云精一音所則當作教精非也此必精字之誤王

伯厚曰文選注作播精故音所崔謨云鼓筴播精言賣卜說文曰鬲財卜問曰既从貝足聲讀若所然則日者

傳奪精當作奪貶胥與足同墨子曰有二生於此善

墨一行為人筮者與處而不出者其精孰多公孟子曰

行為人筮者其精多精者精鑿米也漢書五行傳云卜請其糝而藏之乃吉於是布幣策告之師古曰說者

為策者精米

巧言曰僭始既涵傳云涵容也鄭音咸云涵同也韓詩作減減少也棟案古咸字作減春秋傳云咸黜不端諸本

咸或作減說文云涵水澤多也毛既訓涵為容當从省

文作函函本與咸通周禮伊耆氏共其杖咸鄭注云咸

讀為函司馬相如封禪文云上咸五下登三徐廣曰咸

一作函漢書天文志間可械劔蘇林曰械音函容也毛

音會訓為容鄭音咸訓為同義竝得通薛君以為減少

之減失之

何人斯云爾之安行亦不遑舍熊氏經說云舍與車盱協

音作舒便合讀作舒春秋定六年齊人弑其君荼舒音公

羊作舍字音舒自古有之棟案史記律書云舍者日月

所舍舍者舒氣也是舍有舒義故有舒音

大田詩云俶載南畝箋云俶讀為熾載讀為菑粟之菑地

理志云梁國菑縣故戴國春秋正義曰古者留戴聲相

近故鄭元詩箋讀俶戴為熾留棟案詩俶戴字不作戴

春秋戴國陸氏釋文作載石經作戴戴與載字本通絲

衣詩載弁俶俶箋云載猶戴也陳留戴國本亦作載故

隋時置戴州顏籀以為誤而駁蓋未知字之相通也釋名

云戴載也載之於頭也

去其螟螣說文曰螟蟲食穀菜者吏冥冥犯法即生螟螣

蟲食苗菜者

釋蟲云食葉螻

吏乞貸則生螻

吏乞貸者周書所謂奸吏濟貸也

詩曰去其螟螣案螣古文作螣見朱育集字與毛詩合

唐公防碑作螣孫叔敖碑作貸與說文略同呂覽五月

紀曰百螻時起高誘曰螻讀近殆兗州人謂蝗為螻其

音與說文說亦同

瞻彼洛矣傳云天子玉璫而珽珽諸侯盪璫而璆珽大夫

鐸璫而鏐珽士珽璫而珽珽正義云傳因璫珽歷道尊

卑所用似有成文未知所出說文玉部云禮云佩刀天

子玉璫而珽珽諸侯盪璫而璆珽士珽璫而珽珽又云

琫佩刀上飾琕佩刀下飾天子以玉諸侯以金說文所稱禮者蓋逸禮也棟聞之爾足者六經之訓詁也其釋器一則云黃金謂之盪其美者謂之鏐白金謂之銀其美者謂之鏐又云以蜃者謂之玼豈非以禮有成文而為是說與毛公詩傳多識故實可以補傳記之缺學者省之

桑扈云兕觥其觥說文引云兕觥其斛以角十云角貌良耜云有秣其角箋云秣角貌穀梁傳云展斛角而知傷范甯云斛球球然角貌則觥與秣皆當作斛周伯琦六

書正偽云斛从角斗聲俗作觥非

樂酒令夕君子維宴王逸楚詞章句引云樂酒令昔云昔夜也昔夕古字通穀梁傳曰日入至于星出謂之昔崔謨莊子注云昔夕也管子小匡云旦昔從事旦昔猶旦夕也

夕也

列子曰尹氏有老役夫昔昔夢為國君注云昔昔夜夜也

瓠菜云有兔斯首箋云斯白也今俗語斯白之字作鮮齊魯之間聲近斯有兔白首者兔之小者也正義曰宣二年左傳曰于思于思服虔曰白頭兕字雖異蓋亦以思聲近鮮故為白頭也案爾雅釋詁曰鮮善也釋文云本

或作誓沈旋曰古斯字又說文雨部云霽从雨鮮聲讀

若斯此鮮與斯聲近之證旋沈約子

漸漸之石云山川悠遠惟其勞矣箋云山川者荆舒之國所處也其道里長遠邦域又勞勞廣濶言不可卒服正義云廣濶遼遼之字當從遼遠之遼而作勞字者以古之字少多相假借詩又口之詠歌不專以竹帛相授音既相近故遂用之此字義自得通故不言當作遼也案昭七:left傳云隸臣僚服虔解詁曰僚勞也共勞事也秦勞古音同故潦水亦作滂水師古注上林賦潦音牢

勞勞之語見孔氏聘辭僚與遼皆從秦聲知古字通也

文王云於昭于天正義曰尚書注云鄭注尚書於者鳴聲則於

鳴古今字案說文及義雲章古鳥字皆作於鳥本嗚呼

字古文春秋傳皆然於字相似因訛為之

大明云覩天之妹傳云覩磬也說文曰覩譬諭也韓詩作

磬磬譬也傳不訓為譬而云磬者蓋讀覩為磬也

殷商之旅其會如林說文引此詩會作旒春秋傳云旒動

而鼓杜元凱以旒為旃故馬融廣成頌曰旃旒森其如

林

檀車煌煌駟駟彭彭箋云兵車鮮明馬又彊則暇且整小
 足出車云旂旒央央傳云央央鮮明也棟案漢有鮮明
 騎見魯峻石壁殘畫又朱浮墓石壁人物有鮮明隊皆
續司馬彪輿服志云若會耕祠主縣假給辟車鮮明卒
 史記褚少孫撰任安傳云小史上書言任安受太子節
 發兵言幸與我其鮮好者索隱云鮮音仙謂太子請其
 鮮好之兵甲也漢書辛慶忌傳云慶忌惟好輿馬獬為
 鮮明此與皇矣箋以畔援為跋扈畔援亦作畔渙注云猶
言跋扈皆當時之語別傳范氏作漢史採入傳中

會朝清明傳云會甲也甲朝者一朝也古皆以甲為一如
 第為甲第觀為甲觀今為甲令夜為甲夜書曰壹戎殷
 言役不再籍也戰國策張儀曰昔者紂為天子帥天下
 將甲百萬以與周武為難武王將素甲三千領戰一日
 破紂之國禽其身據其地高誘曰一日甲子之日也大
 公望為號到牧野便尅紂故曰一日毛公以意說詩故
 訓會朝為甲朝又云不崇朝而天下清明不崇朝者不
 終朝也後人泥于訓詁或訓為甲子之朝或訓為甲兵
 之甲皆非毛公之意

古公亶父古公者故公也說文云古故也穀梁傳云踰年不即位是有故公也猶言先王先公穆天子傳云大王亶父

周原膺膺此名國之始也汲郡古文云武丁元年邠遷于岐周三年命周公亶父高誘呂覽注云岐山在右扶風美陽之北其下有周地周家因之以為天下號也

乃慰乃止傳云慰安案方言云慰居也江淮青徐之間曰慰是慰與止同義

皇矣云其菑其翳傳云木立死曰菑李廵爾疋注云以當死害生曰菑棟案菑者側立之象木死不卧以根著于地故謂之菑鄭氏周禮注云泰山平原所樹立物為菑聲如哉博立梟棊亦為菑菑猶事也

患夷載路毛讀患為串鄭如本字釋之正義云患夷者患中國之夷棟案董仲舒云書文止于一者謂之忠持二忠者謂之患混夷之人荒忽無常故謂之患夷患夷載路鵠鴉草響矣一說說文無串字古患字作患串乃古貫字晉姜鼎云令俾聿通揚南仲訓為母與貫同棟案明堂位云崇鼎貫鼎大璜封父龜鄭氏云崇貫封父皆

國名貫之與昆同物同音故縣詩謂之混皇矣詩謂之
 串尚書大傳云文王受命四年伐犬夷六年伐崇鄭注
 云犬夷混夷也皇矣伐崇之詩時混夷已平故云載路
 崇鼎貫鼎皆伐二國時所得之寶故與封父同稱則串
 夷之為貫無疑矣

度其鮮原居岐之陽周書和寤曰王乃出圖商至于鮮原
 孔晁曰近岐周之地汲郡古文曰帝辛十五年秋周師
 次於鮮原則鮮原乃商周之境鄭訓為善非也正義及
 蘇氏皆誤以為程邑王氏地理攷亦未及引蓋博物之

難如此

與爾臨衝傳云臨臨車也衝衝車也案文當云隆隆車也
 隆高也巢車之類蓋鐵論云衝隆不足為強高城不足
 為固韓詩作隆衝後漢殤帝諱隆改隆為臨漢有隆慮
 縣東京為臨慮避諱也臨慮屬河南郡亦作林隆之字
 曰盛故伏隆為伏盛見東觀記孔穎達以為臨者臨下之名
 失之左氏定八年傳云主人焚衝注云衝戰車釋文
 云說文作輶陷陳車也衝車隆高故可焚

下武云昭茲來許傳云許進訓許為進未詳所出案後漢

志載東觀漢記引詩云昭茲來御蔡邕獨斷云御者進也與傳合疑傳寫之誤

行葦忠厚也周家忠厚仁及草木棟案漢儒皆以行葦為公劉之詩班叔皮北征賦曰慕公劉之遺德及行葦之不傷寇榮曰公劉敦行葦世稱其仁王符曰詩云敦彼行葦羊牛勿踐履方苞方體惟菜握握公劉厚德恩及草木羊牛六畜且猶感德趙長君曰公劉慈仁行不履生草運車以避葭葦長君从杜撫受學義當見韓詩也既醉云永錫爾類傳云類善也王逸曰類法也案荀卿子

禮論曰禮有三本天地者生之本也先祖者類之本也注云類種稟廿三年傳云子展廢良而立太叔曰請舍子明之類良子明子是類為子呂覽權勳篇云齊王謂觸子必剋若類又云若殘豎子之類皆謂類為子周語叔向曰類也者不忝前哲之謂也韋昭云言能以孝道施於族類故不辱前哲之人後漢書劉平傳云平抱弟仲女云仲不可以絕類邳暉傳鄭敬云今幸得全軀樹類注云樹類謂有子嗣故鄭箋改傳以為族類是也假樂云民之攸暨傳云暨息也正義曰釋詁云四息某氏

曰詩云民之攸斃耶璞曰今東齊呼息為四則斃與四古今字也棟案說文斃仰涂也非休息之謂又說文口部引詩云犬夷四矣東夷謂息為四正義以斃與四為古今字未知何據釋詁云斃休四息也爾雅釋文云玉斃本或作愒篇云斃息也今為愒斃與斃字相似毛公傳詩多據爾雅說文無愒字則釋詁愒字當依玉篇作斃故某氏于此下引詩云民之攸斃大足民勞云汜可小愒傳云愒息甘棠詩云召伯所愒釋文云愒本又作揭揚雄賦云度三巖兮偈棠梨師古曰偈讀曰愒說文心部云愒息

也从心曷聲徐鉉曰今別作愒非是然則甘棠詩愒字

當作愒假樂詩斃字當作斃河酌詩同又谷風詩伊余來斃皆从土既或古字假

借以斃為斃

公劉傳云嶽小山別於大山也劉熙釋名曰小山別大山

曰斃音彥斃斃也斃一孔斃形孤出處似之也爾雅云

小山別大山鮮與毛傳異毛於皇矣傳仍用爾足此傳

或別有所據

汜可小康箋云汜幾也釋詁曰譏汜也譏古幾字見碧落

文汗簡云

板詩云天之方難無然憲憲傳云憲憲猶欣欣也棟案欣

讀為軒古憲獻二字皆有軒音樂記曰武坐致右憲左

鄭注云憲讀為軒劉熙孟子注文選引曰獻猶軒軒在物

上之稱也左傳掀公出於淖徐邈云掀許言反是古音

欣與軒同鄭注內則云軒讀為憲二字又反復相訓時

姚信有所天論云所讀為軒見月令正義說文所讀若希與此異

天之牖民如堦如麓傳云牖道也箋云王者道民以禮義

則民和合而從之如此說文曰牖譚長以為甫上日也

非戶也棟案甫上日从昏而明道民以禮義猶昏而照

之以天光也尚書大傳云文王有四隣以免乎牖里之害又商傳云太公與三子見文王於羗里

羗本古文誘字正義云牖與誘古今字韓詩外傳牖作誘

抑詩云用邊蠻方箋云邊當作剔剔治也泮水詩云狄彼

東南箋云狄當作剔韓詩作翬云除也士喪禮云四翬

去蹄注云今文翬為剔棟案邊古文逖見說義雲章又

作愁訓為剔左氏僖廿八年傳云糾逖王慝漢都鄉正

衛彈碑云糾剔王佻逖訓遠見爾雅或从狄省文也

桑桑云靡所止疑傳云疑定也正義云疑音凝棟案鄉飲

酒禮云賓西階上疑立注云疑讀為疑然从於趙盾之

疑疑然立自定之兒音魚乙反正義音凝非也

孔棘我園箋云園當為御棟案漢書強禦字皆作強園又管子書多以園為禦

雲漢云耗斃下土箋云斃敗也棟案斃當作殫汗簡云古

文尚書斃作殫故春秋繁露引此詩云耗射下土射與

斃通斃本訓厭毛詩古文作殫鄭隨文釋之故訓為敗

崧高云往近王舅傳云近已也箋云近辭也聲如彼記之

子之記毛居正六經正誤云近說文作鈞从丌从彳丌

音基彳音綽今作近音記字訛作近不敢改也說文云

近者古之道人以木鐸記詩言从彳从丌亦聲讀與

記同玉篇云近今作記今釋文唐石經皆作近此傳寫

之誤鄭讀如彼記之記者王風揚之水云彼其之子箋云其或作記或作已讀聲相似故毛訓為已鄭讀

為記

蒸民云古訓是式傳云古故訓道箋云故訓先王之遺典

也說文引詩作詒訓詁云訓故言也張揖雜字云詒者

古今之異語也訓者謂字有意義也郭氏爾雅有釋詒

釋訓樊孫等爾雅皆為釋故見詩釋文釋訓執文志詩有魯

故韓故齊后氏故孫氏故毛詩故訓傳唐石經及正義皆作訪訓釋文

作故訓正義云定本作故書有大小夏侯解故皆所謂故訓先王之

遺典也小顏曰故者通其指義孔穎達以為古訓者故

舊之道故為先王之道典何其謬與周書大開武曰淫

文破典典不式數民乃不類荀卿子引傳曰博聞彊志

不合王制君子賤之皆謂不式古訓者也正義首卷詁訓傳下亦引

是讀以為證與此疏異者顧君寧人所謂諸儒義疏不出一人

江漢云匪疚匪棘箋云棘急正義云棘急釋言文彼棘作

械當作音義同案釋言云械褊急也注云皆急狹益鐵

論引詩云獫狁孔熾我是用戒戒即械也毛詩戒作棘

是棘與戒古字通

瞻印云蟲賊蟲疾釋文蟲作蚘云本又作蟲棟案蟲本作

蟲从蟲不从虫昆古文蟲作蚘从虫从牟釋文是也

清廟釋文云廟本又作廡古今字也棟案士冠禮廟字亦

作廡說文云廡古文廟

周公既成洛邑朝諸侯釋文洛作雒云本亦作洛字從水

後漢都洛陽以火德為水尅火故改為各傷佳棟案陸

氏此說見魚豢典略然案宋育集字以雒為雒則古本

有此字非始於後漢也

維天之命於穆不已正義曰譜云子思論詩於穆不已孟仲子曰於穆不似棟案說文以字從反已漢書皆作已與已同檀弓注云以已字以與已字本同又與似相通易明夷曰文王以之箕子以之鄭氏本以皆作似斯干詩云似續妣祖箋云似讀如已午之已正義曰直讀為已不云字異則古者似已字同於穆不已師徒異讀是字同之驗也

譜云孟仲子子思弟子

假以溢我說文引云誠以溢我誠嘉善也廣韻引云誠以謚我左傳又云何以恤我

襄廿七年毛傳云假嘉溢慎案誠

與何音相近故訛為何溢與謚字相類謚又與恤通皆訓為慎古文虞書云惟刑之恤哉伏生尚書恤作謚此其證也

貽我來牟漢書劉向傳引作釐麩云釐麩麥也始自天降說文云來周所受瑞麥天所來也故為行來之來棟案

郭焱卿字指後漢中庶子釐字从釐徐仙民讀與來同

載芟云有略其耜俗作耜傳云略利也釋文云字書作芟棟

案芟本籀文鍔字故釋詁云芟利也耜有鋒鍔乃能熾留其田畝略無訓利之文當从字書作芟唐石經亦作

畧非

萬億及秭廣韻云秭千億也風俗通云千生萬萬生億億生兆兆生京京生秭秭生垓垓生壤壤生溝溝生澗澗生正正生載載地不能載也

良耜云以開百室周書作雒曰都鄙不過百室以便野事都鄙謂采地井田六鄉則一族六遂則一鄙皆百室也周禮百室之制都鄙與鄉遂同也

酌告成大武也案儀禮漢書作勺

禮樂志獲赤雁歌云勺椒漿靈已醉是勺與酌

同左傳作灼周禮士師云八成一曰為邦灼先鄭云灼

讀如酌酒尊中之酌陸氏詩釋文云酌亦作灼正義云古今字

保有厥士棟案士古文土見周牧敷史記云有邦有士告汝祥刑今尚書呂刑士作土呂覽任地云后稷曰子能使吾士靖而剛浴士乎高誘曰士當作土

泮水云薄采其芣傳云芣鳧葵也周禮醢人有芣苢鄭大夫讀芣為茅杜子春讀芣為卯說文引詩云言采其芣徐仙民音柳與說文合案汗簡云古文尚書以芣為縮左傳縮酒說文引作苜苜與芣同與鄭大夫說合不得

訓為見葵矣茆本从卯周禮茆菹北人皆音柳

非也律歷志云冒茆於卯

閔宮曰后稷之孫實維大王居岐之陽實始翦商傳云翦

齊也箋云翦斷也鄭注周禮翦氏云翦斷滅之言也詩云實始翦商

二說皆非也爾足釋詁曰翦勤也周自后稷受封以來

世有爵土自不窋失官社稷幾不血食至於大王初遭

獯鬻之難自豳遷岐始能光復祖宗修朝貢之職勤勞

王事至於文王三分有二尚合六州之眾奉勤于商周見

書經典篇武王初循服事之誠末年然後受命皆所謂績大

王之緒也揚慎據說文引詩作戩商解云福也以為大

滅也宋本亦然說與鄭氏合無訓戩為福之文惟爾足及天保傳云戩福也然實始福商其說大鑿恐未然也

戎狄是膺荆舒是懲史記建元以來侯者年表云戎狄是

應荆荼是徵裴駟注毛傳云應當也鄭元云徵艾爾雅

云應當也故傳从之說文云膺受也又訓受與傳異今

作膺者蓋沿孟子之誤孟子多俗字當以史記所引為

正

商頌元鳥云奄有九有傳云九有九州韓詩作九域訓與

毛傳同棟案域當作或說文曰或邦也从口从戈以守

一一地也古或字作有有字作又亦作或詳尚書攷商書云

九有以止又云以有九有之師皆九州也上云正域彼四方傳云域

有也案域亦當作或

武王載旆史記湯曰吾甚武號曰武王旆說文引作坂治

也荀子引作發坂與發通公叔文子名拔或發見檀弓注與下協韻

周禮大司馬中夏教芟舍鄭注云芟讀如萊沛之沛沛與旆皆音浦貝及與芟舍音通是旆亦讀為坂古音通也

周頌絲衣鳥鼎及鳥釋文云鳥音茲徐音災郭音才說文

曰鳥从鼎才聲郭音是也史記音義引此詩鳥作哉云

哉音皆案哉與才通張平子碑云往才女諧邢昺曰哉

古文作才鳥省文作才音資失之

惠棟曰王伯厚謂鄭康成先通韓詩故注三禮與箋詩異

案鄭志荅昺模云為記注時就盧君先師亦然後乃得

毛公傳記古書義又且然記注已行不復改之盧君謂

盧子幹也先師謂張恭祖也續漢書盧植與鄭元俱事

馬融同門相友元本傳云元又從東郡張恭祖受韓詩

故記注多依韓說六藝論云注詩宗毛為主毛義若隱

畧則更表明如有不同即下已意案鄭箋宗毛然亦間

有從韓魯說者如唐風采芣大夫褻以繡黼為綃黼十月之交為厲王時皇矣侵阮徂共為三國名皆以魯詩衡門可以樂飢以樂為瘵十月之交抑此皇父抑讀為意思齊古之人無斃斃作擇泮水狄彼東南狄作鬻皆韓詩說也

鄭漁仲以素衣朱綃為齊論未詳

鄭漁仲云漢氏文字未有引詩序者惟魏黃初四年有曹共公遠君子近小人之語蓋詩序至是而始行棟案左傳襄二十九年季札見歌秦曰美哉此之謂夏聲服虔解詁云秦仲始有車馬禮樂之好侍御之臣戎車四牡

田守之事與諸夏同風故曰夏聲

詩正義引之

又蔡邕獨斷

載周頌二十一章蓋錄詩序自清廟至般詩一字不異何得云至黃初時始行于世耶漁仲又謂詩序作于衛敬仲亦臆說

毛公傳詩世謂趙人毛萇撰而不知為大毛公也薛君為韓詩章句世謂淮陽薛漢撰而不知為薛夫子也大毛公名亨魯人者故訓傳見詩譜及初學記薛夫子名方回字夫子廣德曾孫漢之父也見唐書宰相世系表

九經古義卷六

九經古義卷七

東吳惠棟學

周禮古義

天官腊人注云腊之言夕也說文替乾肉也从殘肉日以
 晞之與俎同意籀文作𠄎从肉昔夕古字通穀梁傳云
 日入至于星出謂之昔管子云旦昔從事王逸楚辭章
 句引詩云樂酒今昔是皆以昔為夕昔之為物經夕乃
 乾故言夕或作夕夕猶昔也外傳云厚味實腊毒韋昭
 曰腊讀若腐昔酒漢之酋夕白酒亦云昔酒張參五經

文字云說文作咎石經作昔

大宰六典二曰教典以擾萬民注云擾猶馴也案春秋傳

云乃擾畜龍應劭曰

史記注

擾音柔擾馴也尚書擾而毅

徐廣曰擾一作柔字本作擾見玉篇擾有柔音故史記

或作柔又有馴音故李軌徐邈皆音尋倫反或音而小

反失之九賦注云賈人倍算此漢律也應劭漢書注云

漢律人出一算算百二十錢唯賈人與奴婢倍算

小宰八成一曰聽政役以比居先鄭云比居謂伍籍也比

地為五因內政寄軍令以伍籍發軍起役者平而無遺

脫也李靖曰春秋左氏傳云先偏後伍又司馬法曰五

人為伍尉繚子有束伍令漢制有尺籍伍符後世符籍

以紙為之於是失其制矣

宮正幾其出入注云謂幾呵其衣服持操及疏數者釋文

呵作荷音呼何反又音何毛居正六經正誤云案闔人

注苛其出入比長注呵問秋官萍氏苛察環人苛留凡

五處音義皆同而字或作荷或作苛或作呵其實一也

古字通用借用大抵如此漢書誰問作何責問作呵亦

作訶刻虐作苛芙渠作荷棟案刻虐之苛字本作荷毛

詩序云哀刑政之荷春秋傳云荷慝不作漢書好持荷禮是也今本皆作荷非也荷擔之荷本作何易何天之衢論語

何蕢是也責問之呵本作苛漢乙令有呵人受錢見陳

律序說文云廷尉說律至以字斷法苛人受錢苛之字止

句也苛从止从句則為苛字經典所無然古文可與句

通康誥云盡執拘以歸于周說文引書云盡執柯但苛

从艸从可不从止以苛為止句故說文以為不合孔氏

古文

內饗馬黑脊而般臂蝼注云般臂臂毛有文疏云鄭答冷

剛童牛之楛牛在手曰楛牛無手以前足當之此馬亦

然故言般臂坵山經曰諸毗之水其中多水馬其狀如

馬文臂牛尾郭璞云臂前脚也周禮曰馬黑脊而斑臂

腰

外饗饗士庶子注云士庶子衛王宮者若今時之饗衛士

矣續漢書禮儀云饗遣故衛士儀百官會位定謁者持

節引故衛士入自端門衛司馬執幡鉦護行行定侍御

史持節慰勞以詔恩問所疾苦受其章奏所欲言畢饗

賜作樂觀以角抵樂闕罷遣勸以農桑案前漢饗衛士

於曲臺後漢於平樂觀

瘍醫以五氣養之注云五氣當為五穀字之誤也何焯云氣訂義音餼則字不必改而義得矣棟案說文饋客芻米白氣氣本餼字經傳無五氣之文內經云五穀為養五果為助五菜為充故鄭據此五氣當為五穀訂義非也

酒正四飲二曰醫注云醫之字從毳從酉省也案文當云从毳从酒省說文云毳病聲酒所以治病也周禮有醫酒

以裘注中秋鳥獸毳釋文云毳音毛棟案毳當為髦字之誤也鄭氏尚書云中秋鳥獸髦毳中冬鳥獸毳髦涉下而誤耳

內司服注六服皆袍制以白縛為裏使之張顯今世有沙穀者名出于此釋名曰穀粟也其形足足而踞視之如粟也又謂沙穀亦取踞踞如沙也

說文云穀細縛也與鄭說合

地官廛人注故書廛為壇杜子春讀壇為廛說云市中空地元謂廛民居區域之稱案管子五輔篇曰辟田疇利壇宅荀卿子云定廛宅是古廛字皆作壇也

2080 6/2

2104

2105

於曲臺後漢於平樂觀

瘍醫以五氣養之注云五氣當為五穀字之誤也何焯云氣訂義音餽則字不必改而義得矣棟案說文饋客芻米白氣氣本餽字經傳無五氣之文內經云五穀為養五果為助五菜為充故鄭據此五氣當為五穀訂義非也

酒正四飲二曰醫注云醫之字從毳從酉省也案文當云酒從毳从酒省說文云毳病聲酒所以治病也周禮有醫酒

司裘注中秋鳥獸毼毼釋文云毼音毛棟案毼當為髦字之誤也鄭氏尚書云中秋鳥獸髦毼中冬鳥獸毼髦涉下而誤耳

內司服注六服皆袍制以白縛為裏使之張顯今世有沙穀者名出于此釋名曰穀粟也其形足足而踮視之如粟也又謂沙穀亦取踮踮如沙也

說文云穀細縛也與鄭說合

地官廛人注故書廛為壇杜子春讀壇為廛說云市中空地元謂廛民居區域之稱案管子五輔篇曰辟田疇利壇宅荀卿子云定廛宅是古廛字皆作壇也

土訓注鄭司農云訓讀為馴案訓與馴古今字史記五帝紀云帝堯能明馴德徐廣曰馴古訓字又殷本紀帝舜命契曰百姓不親五品不馴後漢書又作訓古文作遜俗作遜萬石君傳馴行孝謹亦作訓易坤初六象曰馴致其道鄭注云馴從也徐爰音訓依鄭義漢書韋元成傳元成詩云惟我節侯顯德假聞左右昭宣五品以訓訓與聞協則知訓讀為馴先鄭之說信矣

大司徒以土圭之灋測土深正日景以求地中注云故書求為救杜子春云當為求案救當作救古文求說文引

虞書云旁救倂功蔡邕石經殷庚云器非救舊皆以救為求古救字作抹表字作求

其附于刑者歸于士注云士謂主斷刑之官或謂歸于圜土鄭以古土字有作士者故復以圜土釋之詩周頌云保有厥士義作土世本作篇云相士作乘馬即相土也呂覽任地云后稷曰子能使吾士靖而馴浴士乎高誘曰士當為土周牧殷亦以士為土

小司徒及三年則大比注云大比謂使天下更簡閱民數及其財物也鄭司農云五家為比故以比為名今時八

月案比是也東觀記元初四年詔白方今八月案比之時李賢後漢書注云案比謂案驗戶口次比之也續漢書禮儀志云仲秋之月縣道皆案戶比民疏云漢時八月案比而造籍書周以三年大比未知定用何月案管子度地篇云令曰常以秋歲末之時閱其民案家人比地定什伍口數別男女大小其不為用者輒免之有錮病不可作者疾之可省作者半事之

鄉大夫以鄉射之禮五物詢衆庶五曰興舞注云故書舞為無杜子春無讀為舞謂能為六舞古無與武同音武

又與舞通禮器云周坐尸詔侑武方注云武當為無聲之誤也論語射不主皮馬融云射有五善焉一曰和志體和二曰和容疑和字衍有容儀三曰主皮能中質四曰和頌合雅頌五曰興武與舞同漢武梁祠堂畫象云秦武陽今史記作秦舞陽知古字通

牛人共兵車之牛以載公任器注任猶用也二老堂雜誌云宋景文公博極群書其筆記云余見今人為學不及古人之有根柢每亦自愧常讀式目中有任器字注云未詳其任器乃荷擔之具雜見子史中何言未詳予謂

禮牛人以載公任器乃六經語而景文但引子史何邪
 師氏掌國中失之事以教國子弟注云中中禮者也失失
 禮者也故書中為得杜子春云當為得記君得失若春
 秋是也三倉曰中得也史記索隱封禪書云康后與王不相
 中周勃傳勃子勝之尚公主不相中皆訓為得呂覽云
 禹為司空以通水潦顏色黎黑步不相過竅氣不通以
 中帝心高誘曰中猶得然則中失猶得失故鄭用杜說
 而不改字

保氏五射注鄭司農云五射白矢參連剡注襄尺井儀也

釋文云襄音讓本作讓諸音非棟案讓亦音襄古字通
 大戴記投壺篇本云弓既平張四侯且良決拾有常既
 順乃讓乃揖乃讓讓从言襄聲乃躋其堂乃節其行既志乃
 張是讓有襄音詩角弓讓與亡叶

調人云凡有鬪怒者成之鄭司農云成之謂和之也和之
 猶今二千石以令解仇怨後復相報移徙之此其類也
 何休公羊注云古者諸侯有難王者若方伯和平之後
 後相犯復故罪此調人成之之法也成之者何和之也
 王褒集僮約注云漢時官不禁報怨引見御覽故二千石以

令解之令者漢令有和難之條鄭云後復相報移徙之者案後漢桓譚疏曰今人相殺傷雖已伏法而私結怨讐子孫相報後忿深前至於滅戶殒業而俗稱豪健故雖怯弱猶勉而行之此為聽人自理而無復法禁者也今宜申明舊令若已伏官誅而私相殺傷者雖一身逃亡皆徙家屬於邊其相傷者加常二等不得雇山贖罪如此則仇怨自解譚所云舊令即先鄭所云移徙之法也

質人 同其度量壹其淳制注杜子春云淳當為純純謂

幅廣制謂正長案管子作縛制制分篇云衡石一稱斗

斛一量丈尺一縛制戈兵一度上經注云量度若今處斗斛及丈尺愚謂斗斛

屬量戈兵屬度管子是也

掌節 皆有期以反節注云將送者執此節以送行者皆

以道里日時課如今郵行有程矣漢書趙充國傳云充

國陳兵利害六月戊申卷七月甲寅璽書報從充國計

此郵行有程之證

遂師及窆抱磨注云磨者適歷執紼者名也疏云天子千

人分布六紼之上分布稀疎得所名為適歷棟謂歷當

作秣說文秣稀疏適也讀若歷秣踈適均故謂之適歷
稍人掌令邱乘之政令注云邱乘四邱為甸甸讀與維禹
隳之之隳同其訓曰乘由是改云疏云案毛詩云惟禹
甸之不為隳者鄭先通韓詩此據韓詩而言隳隳是軍
陳故訓為乘由甸出車一乘可以為軍故改云乘不為
甸也棟案隳古文陳見義雲章小司徒注云甸之言乘
也讀如中甸之甸又甸祝注云甸之言田也小宗伯注
云甸讀為田古陳田字同陳又訓乘又與甸通

司稼巡野觀稼以年之上下出斂法注云斂法者豐年從
正凶荒則損若今十傷二三實除減半疏云鄭舉漢法
以況義十傷二三謂漢時十分之內傷二分三分餘
有七分八分在實除減半者謂就七分八分中為實在
仍減去半不稅於半內稅之案後漢紀云永元五年詔
今年郡國秋稼為旱蝗所傷其什四以上勿收田租有
不滿者以實除之注云所損不滿四者以見損除也然
則不滿四者謂十傷二三也十四以上勿收田租則不
在斂法之內矣

春官司凡筵注云筵亦席也鋪陳曰筵藉之曰席然其言

之筵席通矣大射儀曰賓升就席注云今文席為筵是筵與席古今字故云筵席通

職喪注云職主也周書大聚云立職喪以恤死

大宗伯以血祭祭社稷五祀五嶽注云故書祀作禋鄭司農云禋當為祀案小祝保郊禋于社杜子春讀禋為祀說文云祀或从禋汗簡云古文尚書以禋為祀

五命賜則注云王莽時以二十五成為則方五十里合今俗說子男之地王莽傳云諸公一同有衆萬戶土方百里侯伯一國衆戶五千土方七十里子男一則衆戶二

千有五百土方五十里附城大者食邑九成衆戶九百土方三十里自九以下降殺以兩至於一成五差備其合當一則案十里為成成百戶故方百里為萬戶方七十里為四千九百戶言五千舉成數也方五十里為二千五百戶皆與王制合附城猶周之附庸自九成至一成降殺以兩五差計之合一則二十五成之數呂覽慎勢云三者之封建也彌近彌大彌遠彌小海上有十里之諸侯附城一成其古制與康成謂唯劉子駿識之爾小宗伯云凡王之會同軍旅甸役之禱祠肆儀為位注云

若今時肆司徒府也漢書淮南王傳云與諸侯王列侯會肆丞相諸侯議注云肆詣也漢舊儀曰哀帝元壽二年以丞相為大司徒

肆師注尚書傳曰王升舟入水鼓鐘亞觀臺亞將舟亞宗廟亞案尚書大傳亞作惡鄭注云惡讀為亞施宿石鼓文釋云亞汗簡作亞云古孝經作惡詳易古義

凡師不功則助牽主車注云故書功為工鄭司農工讀為功古者工與功同字

凡國之大事治其禮儀注云故書儀為義鄭司農云義讀為儀古者書儀但為義今時所謂義為誼

司凡筵 設莞筵紛紕注云紛如綬有文而狹者漢官儀云綬長一丈二尺濶三尺故云有文而狹

冢人 以爵等為邱封之度與其樹數注云別尊卑也王公曰邱諸臣曰封漢律曰列侯墳高四丈關內侯以下至庶人各有差易大傳云不封不樹虞翻注云穿土稱封封古窆字也聚土為樹其說與冢人合邱者邱隧故曰王公曰邱封者墓下棺故曰諸臣曰封樹數高下無明文因引漢律以證之疏以封為聚土樹為樹木皆失

之鄭注檀弓仍以封為高下之數非也

大司樂 凡有道者有德者使教焉注云道多才藝者德能躬行者若舜命夔典樂教育子是也釋文云育音胃本亦作胄說文引虞書云教育子云養子使作善也今薛宣書古文亦作育爾疋育胄皆訓長故馬季長注尚書亦云胄長也教長天下之子弟詳尚書攷

以樂德教國子中和祗庸孝友注云中猶忠也案中與忠通漢呂君碑云以中勇顯名義作忠後漢王常為漢忠將軍馮異傳作中古文孝經引詩云忠心藏之何日忘

之見釋文

今毛詩作中

曾子大孝篇云仁者仁此者也義者宜此者也忠者中此者也知忠

與中同

凡六樂者文之以五聲播之以八音注云故書播為藩杜子春云藩當為播讀如后稷播百穀之播棟案古藩字亦作播尚書大傳五行云播國率相行事鄭注云播讀為藩

今去樂注云去樂藏之也春秋傳曰壬午猶繹萬入去籥萬言入則去者不入藏之可知案古人皆謂藏為去春秋傳云去樂卒事又云紡焉以度而去之公羊傳云去

其有聲者皆訕為歲顧炎武云漢書蘇武傳掘野鼠去
 中實而食之師古曰去謂歲之也陳遵傳皆歲云以為
 勞師古曰去亦歲也魏志華佗傳云藥以待不祥臣去
 之案古語以歲為去

樂師 詔來擊皐注云鄭司農云皐當為告元謂皐之言
 號告國子當舞者舞說文曰禮祝曰皐登訶曰奏故皐
 奏皆从本周禮曰詔來鼓皐舞皐告之也先鄭讀皐為
 告者戰國策曰商君告歸延篤以為告歸今之歸寧也
 東觀漢記田邑傳云邑年三十歷鄉大夫號歸罷厭事

少所嗜欲號歸即告歸也皐讀為告告讀為號皐告同
 音故大祝注云皐讀為卒嗥呼之嗥漢書記云高祖嘗
 告歸之田服虔云告音如嗥呼之嗥是告又讀為嗥然
 則皐告嗥三字同物同音故二鄭所讀亦無兩義顏籀注漢書以為告字假為嗥音並無別義熊毋來經說又從鄭氏前後異讀皆不識古音而妄下堆黃者也

大胥注漢大樂律曰卑者之子不得舞宗廟之酌除吏二
 千石到六百石及關內侯到五大夫子先取適子高七
 尺以上年十二到年三十一顏色和順身體脩治者以
 為舞人疏云既云取七尺以上而云十二到三十則十

二者誤當云二十至三十又引鄉大夫職以為證棟案
 劉昭後漢補注引盧植周禮注所載大樂律七尺作五
 尺鄭注論語云六尺謂年十五以上則五尺為十二審
 矣賈疏失之

鑄師 凡軍之夜三鑿皆鼓之守鑿亦如之注云守鑿備
 守鼓也杜子春云一夜三擊備守鑿也春秋傳所謂賓
 將趣者音聲相似夏官掌固云夜三鑿以號戒杜子春
 云讀鑿為造次之造謂擊鼓行夜戒守也春秋傳所謂
 賓將趣者與趣與造音相近故曰終夕與燎案鑿說文

作鑿云夜戒守鼓也从壹蚤聲禮昏鼓四通為大鼓

注作

鑿引司馬法云云

夜半三通為戒晨旦明五通為發明

注作

讀

若戚鄭于鼓人注用叔重之說杜子春又云鑿讀為憂
 戚之戚與說文合賈疏云言鑿者聲同憂戚取軍中憂
 懼之意趣造音相近長言為趣短言為戚

鞮鞢氏掌四夷之樂注云四夷之樂東方曰鞮南方曰任
 西方曰株離北方曰禁詩云以雅以南是也後漢書陳
 禪傳云尚書陳忠劾禪曰古者合歡白虎通之樂舞於
 堂四夷之樂陳于門故詩云以雅以南鞮任株離注云

毛詩無棘任朱離之文蓋見齊魯之詩也今亡

大卜原兆注云原原田也 周易比卦云原筮元永貞干

寶曰原卜也周禮三卜一曰原兆春秋傳曰原田每每

說文云每艸盛土出也高印之曰圻如龜文故曰原田

兆之壘罅有似高印之田 爾雅云高平曰原 故曰原兆賈疏以

為原與原田字同恐大憤憤也

大祝六號五曰齋號注云齋號為黍稷皆有名號也曲禮

曰黍曰薺合梁曰薺箕稻曰嘉疏案禮記正義云隋秘

書監王劬勘晉宋古本皆無稷曰明粢一句立八疑十

二證以為無此一句為是今此注所引亦無是句當在

十二證之一也又獻帝宗廟祝嘏辭所薦一元大武柔

毛剛鬣商祭明眎香合嘉疏醎醑豐本而不及明粢又

蔡氏獨斷載祭宗廟禮牲之別名及祭號等皆與曲禮

同獨無稷曰明粢一句

九擗三曰空首穆天子傳云天子賜許男駿馬十六許男

降再拜空首郭璞云空首頭至于地

九經古義卷七

九經古義卷八

周禮古義

東吳惠棟學

夏官司燿說文曰燿取火於日官名舉火曰權周禮曰司燿掌行火之政令从火霍聲或作烜从亘案司燿注讀如予若觀火之觀古喚反我官司烜音燿讀如衛侯燿之燿鄭氏兩讀許君合而一之蓋本賈侍中之說高誘曰燿讀如權字漢郊祀志云通權火

羅氏云中春羅春鳥注云春鳥熱而始出者若今南郡黃

雀之屬郭義恭廣志云黃雀脂肥絕美江夏竟陵常給

獻大官御覽

司右注司馬法曰弓矢圍及矛守戈戟助凡五兵長以衛
短短以救長案今司馬法曰右兵弓矢禦及矛守戈戟
助凡五兵五當長以衛短短以救長賈公彥曰弓矢圍
者圍城時也愚謂圍當作固古禦字作固管子墨子書
皆然鄭注作圍傳寫之誤今司馬法為禦字从俗作也
方相氏掌蒙熊皮注云冒熊皮者以驚毆疫癘之鬼如今
魃頭也應劭風俗通曰俗說亡人魂氣游揚故作魃頭

以存之言頭魃然盛大也或為魃頭為觸墻殊方語
也御覽說文云今逐疫有顛頭

太僕 建路鼓于大寢之門外以待達窮者與遽令注云

鄭司農云窮謂窮究失職則來擊此鼓若今時上變事

擊鼓矣遽傳也若今時驛馬軍書當急聞者亦擊此鼓

元謂遽令郵驛上下程品棟案漢廐律有上變事及驚

事告急漢廐律魏改漢書梅福傳云鼓因縣道上言變

事永假輶傳詣行在所條對急政輒報師古曰變謂非

常之事黥布傳賁赫上變事乘傳詣長安

職方氏樊毅脩華嶽碑云周禮識方氏歐陽永叔云識字
 字畫分明非訛闕疑當時周禮之學自如此棟案周禮
 多古字如櫛字作職職字作識識字作志漢時已不能
 盡攷况後世乎

秋官司圜注鄭司農云圜謂圜土也圜土謂獄城也今獄
 城圜春秋元命包曰為獄圜者象斗運宋均注云作獄
 圜者象斗運也 初學記

冥氏注鄭司農云冥讀為冥氏春秋之冥王伯厚云漢泰
 山冥都傳春秋故云冥氏春秋案夏本紀禹姁姓後有

冥氏

雉氏注云書雉或作夷鄭司農云今俗間謂麥下為夷下

言芟夷其麥以其下種禾豆也元謂雉讀如鬢小兒頭

之鬢

說文云鬢鬢髮大人曰髡小兒曰鬢及身毛曰鬢

案甘泉賦云列新雉於

林薄服虔曰新雉香草也雉夷聲相近師古曰新雉即
 辛夷春秋傳曰五雉為五工正夷民者也服虔曰雉者
 夷也夷平也孔穎達云雉聲近夷雉訓夷夷為平雉讀
 如鬢者說文云古文雉从弟篆文弟夷字相似荀氏易
 渙六四云匪弟所思今本作夷

蝮氏注鄭司農云蝮讀為蜮蜮蝦蟇也月令曰螻蝮鳴元謂蝮即御所食蛙也字从虫國聲蜮乃短狐與案說文蜮正字也蝮或字也許氏以為短狐

壺涿氏注云故書涿為獨鄭司農云獨讀為濁其源之濁音與涿相近書亦或為濁

大司寇 凡庶民之獄訟以邦成弊之注云邦成八成也鄭司農云邦成謂若今時決事比也士師職云掌士之八成先鄭云行事有八篇若今之決事比則八成謂邦洵邦賊以下八事賈疏以為小宰之八成非也東觀漢

記鮑昱傳云時司徒例訟久者至十數年比例輕重非其事類錯雜難知昱奏定決事都目八卷以齊同法令息遏民訟則知漢時決事雖多至三百餘篇其都目以八篇為率故先鄭引以為證

小司寇云凡命夫命婦不躬坐獄訟注云不身坐者必使其屬若子弟也杜預僖廿八年傳注云傳曰王叔之宰與伯與之大夫坐獄于王庭各不身親蓋今長吏有罪先驗吏卒之義

以八辟麗邦法注云杜子春讀麗為羅元謂麗附也易曰

日月麗乎天柔麗者離也離猶罹也羅當作罹洪範云
不罹于咎史記引作離尚書大傳引作麗古字並通

議親之辟注鄭司農曰若今時宗室有罪先請是也漢書
平帝紀元始元年令公列侯嗣子有罪耐以上先請續
漢書百官志云宗室若有犯法當髡以上先詣宗正宗
正以聞乃報決

議賢之辟注鄭司農云若今時庶吏有罪先請是也宣帝
黃龍元年詔曰舉庶吏誠欲得其真也吏六百石位大
夫有罪先請

議能之辟說文曰罷遣有罪也从网能言有賢能而入网
而貫遣之周禮曰議能之辟

議貴之辟鄭司農云若今時吏墨綬有罪先請是也後漢
光武紀云建武二年詔曰吏不滿六百石下至墨綬長
相有罪先請蔡邕橋公碑云遷齊相臨淄令賂財贓多
罪正受鞠就刑竟以不先請免官

大賓客前王而辟鄭司農云若今時執金吾下至令尉奉
引矣續漢輿服志云乘輿大駕公卿奉引大僕御大將
軍參乘乘輿法駕八卿不在鹵簿中河南尹執金吾雒

九經古義 卷八
陽令奉引奉車郎御侍中參東

士師掌士之八成一日邦洵鄭司農云洵讀如酌酒尊中之酌國洵者斟洵盜取國家密事若今時刺探尚書事詩正義云洵與酌古今字周頌酌左傳作洵公羊僖八年經云鄭伯乞盟傳云蓋酌之也注云酌挹也穀梁作洵是洵為挹取之義沈約曰寫書謂之刺漢制不得刺尚書事是也後漢書楊倫傳尚書奏倫探知密事應劭風俗通云司徒韓演伯南為丹楊太守坐從兄季朝為南陽太守刺探尚書演法車徵蓋漢律有此條故鄭據以為說

訝士云凡四方之有治於士者造焉注云如今郡國亦時

遣主者吏詣廷尉議者棟案此請讞之法當在漢興律

篇中胡廣漢官篇解詁曰廷尉當疑獄北堂書引漢書景帝

紀後元年詔曰獄疑者讞有司有司所不能決移廷尉有令讞而後不當讞者不為失杜周傳云周為廷尉二千石繫者新故相因不減百餘人郡吏大府舉之廷尉一歲至千餘章大者連遠證案數百小者數十人遠者數千里近者數百里會獄注云舉皆也言郡吏大府獄

事皆歸廷尉也陳湯傳廷尉增壽議以為臣下承用失其中故移獄廷尉如淳曰移獄廷尉如今讞罪輕重于定國傳定國為廷尉冬月治請讞飲酒益精明是漢時疑獄皆讞於廷尉後漢襄楷上疏曰頃數十歲以來州郡玩習又欲避請讞之煩輒託疾病多死牢獄蓋自安順而後請讞之法稍弛矣

朝士凡士之治有期日期內之治聽期外不聽注鄭司農云若今時徒論決滿三月不得乞鞠鄧展曰漢律有故乞鞠司馬貞案晉令云獄結竟呼囚鞠語罪狀囚若稱

枉欲乞鞠者許之也

新律序云二歲刑以上除以家人乞鞠之制省所煩獄也二歲刑謂

耐以上此魏世所改

凡民同貸財者令以國法行之犯令者刑罰之注云若今時加貴取息坐臧漢書王子侯表云芻光侯殷元坐取息過律免陵鄉侯訢坐貸穀息過律免息有程限過律則坐臧也

司刑注鄭司農云漢孝文帝十三年除肉刑疏云所赦者唯赦墨劓與剕三者其官刑至隋乃赦也尚書正義曰漢除肉刑除墨劓剕耳官刑猶在大隋開皇之初始除

男子宮刑婦人猶閉於宮崔浩漢律序曰文帝除肉刑而宮不易張斐律注云以淫亂人族序故不易也棟案漢書鼂錯對策曰除去陰刑張晏曰宮刑也則漢文亦除宮刑矣或後仍復之賈孔之說蓋本崔張

司朝三赦注云若今時律今年未滿八歲八十以上非手殺人他皆不坐光武紀建武三年詔曰男子八十以上十歲以下及婦人從坐者自非不道詔所以捕皆不得

繫鄭氏孝經註云手殺人者大辟即漢律所云不道也

司厲 其奴男子入于罪隸女子入于春豪注云鄭司農

云今之為奴婢古之罪人也元謂奴從坐而沒入縣官者男女同名高誘曰漢律坐父兄沒入為奴魏志毛玠傳漢律罪人妻子沒為奴婢黥面說文曰男入罪曰奴女入罪曰婢初學記引風俗通曰古制本無奴婢即犯事者或原之減者被罪沒入為官奴婢獲者逃亡獲得為奴

婢也初學記引

掌戮 殺王之親者辜之注云辜之言枯也謂磔之荀子

正論云斬斷枯磔注云韓子曰采金之禁得而輒辜磔

內儲 訖即枯也又莊子有辜人巫咸文云暴虐不姑姑

與枯通易大過之九二云枯楊生莢鄭讀枯為姑謂無

姑山揄是辜枯姑三字古皆通也壹涿氏注杜子春云梓讀為枯枯榆木名

與鄭注
易同

條狼氏掌執鞭以趨辟注云若今卒辟車之為也續漢書

志云大使車立乘駕馭後伍百璅弩十二人辟車四人

雜氏掌殺草秋繩而芟之注云含實曰繩釋文曰繩音孕

棟謂繩當為臞字之誤也管子五行篇臞婦不銷弃注

云臞古孕字大元馴首曰臞其膏人一月而膏媿與臞

同玉篇云臞或孕字汗簡云古文尚書以臞為孕孕讀如臞

易漸九三婦孕不育荀爽本孕作乘乘繩聲近故漸九五云鴻漸于陵婦三歲不孕終莫之勝

伊者氏其其杖咸注云咸讀為函古咸與函通毛詩巧言

曰僭始既涵韓詩作既減減猶涵也司馬相如封禪文

云上咸五下登三徐廣曰咸一作函漢書天文志間可

械劔蘇林曰械音函

大行人云諸侯之禮立當前疾毛居正六經正誤云案車

上無名疾者說文軌車軌前也从車凡聲周禮曰立當

前軌音範疑此近是棟謹案禮說云諸侯來朝行享於

廟入大門下車所立之位上公立當車軌侯伯立當前

侯子男立當車衡案侯俗作疾

唐石經及宋本皆同

論語邢昺疏

鄉

引周禮作前侯云侯伯立當前侯胡下人小雅蓼蕭

章孔疏引大行人亦作前侯蓋說文疾作疾古文侯作

侯相似易亂故前侯訛為前疾賈疏不詳莫能辨正俗

本流傳誤人久矣又案說文引周禮作前軌云軌車軌

前也詩小戎陰鞞傳云陰揜軌也孔疏謂以板木橫側

車前陰映此軌故謂之陰考工記軌前十尺謂軌前曲

中下垂柱地如人之頸故謂之侯侯猶胡也故鄭注訓

為胡以其在軌前故曰前侯然則陰也侯也胡也皆前

軌之名揜軌曰陰曲中曰侯下垂曰胡總名為軌當依

說文定作軌則前衡後軹而軌在其間讀者一見而心

目了然矣

凡諸侯之王事注云孟子曰諸侯有王毛氏正誤曰諸本

皆云孟子曰諸侯有王案孟子無此句小行人注引春

秋傳曰宋公不王又曰諸侯有王王有巡守此注是也

棟案藝文志孟子十一篇趙臺卿題辭云著書七篇又

有外書四篇性善辯文說孝經為正其文不能宏深不

與內篇相似外篇今亡秦漢諸人引孟子者今孟子皆

無之見王伯厚攷證鄭氏所引安知不在外篇乎毛說未是劉

詩云新喻謝氏多藏古書有性善辯一帙則知與文說孝經為正是謂四篇然則孟子逸書宋時猶有存者唐

時尚未亡也

小行人云令諸侯春入貢秋獻功注云秋獻功若今計文

書斷於九月其舊法盧植曰計斷九月因秦以十月為

正故劉昭注補

司儀問君客再拜對君問大夫容對君勞客客再拜稽

首注云問君曰君不恙乎對曰使臣之來冥君命臣於

庭問大夫曰二三子不恙乎對曰寡君命使臣於庭二

三子皆在勞客曰道路悠遠客甚勞勞介則曰二三子

甚勞王伯厚曰此亦見說苑鄭氏所述蓋古禮也賈疏

云未知所出何文或云是孔子聘問之辭棟案襄廿七

年春秋傳曰仲尼使舉是禮也以為多文辭服虔云以

其多文辭故特舉而用之後世謂之孔氏聘辭此書漢

時猶存故鄭引之或說非無據也

行人居於其國則掌行人之勞辱事焉使則介之注云

使謂大小行人也故書曰夷使鄭司農云夷使使於四

夷元謂夷發聲案此則夷使猶焉使也晉語云焉作爰

田馬作州兵淮南子云天子馬始乘舟禮記云故先王
馬為之立制又云馬使倍之公羊傳云比託始馬爾又
云吾將馬致乎魯國皆訓為於篆文馬於相似故於亦
作馬馬使者言於行人之使則為之介劉氏音馬為夷
非也或以馬屬上句尤誤

考工記 作舟以行水注云故書舟作周鄭司農云周當
為舟隸法周作用又作舟舟作舟或作舟字本相類謹
案詩說云大東舟人之子鄭曰舟當作周案集古錄康
父敦銘有伯庶父作王姑舟尊敦或謂舟為丹又以為

井董廣川以為朱鮪集字舟為古文周字

汗簡云朱
育集字

顧

桢王釋亦引詩為証又史伯碩父鼎銘亦有王母舟母
四十二字則舟即為周舟人之子即上文西人之子也
詩以舟為周考工以周為舟義並通

輪人 以其圍之叻捐其數鄭司農云數讀為蜂數之數
謂轂空壺中也案說文曰操車轂中空也从木栗聲讀
若數然則數本操讀為數也

參分其輻之長而殺其一注云殺衰小之也案殺猶衰也

見儀禮注

衰亦訓小春秋傳云其周德之衰乎注云衰小也

小猶殺也

輶人 大車之輶摯注云摯輶也案摯本軒輶字或作摯見淮南子或作墊見儀禮注既夕云志矢一乘軒輶中盧人注云反覆猶軒輶也軒輶猶軒摯毛詩如輶如軒傳云輶摯也

張有復古編云輶抵也从車執別作輶非

輶欲頡典注云頡典堅刃貌鄭司農云頡讀為懇典讀為殄駟車之輶率尺所一縛懇典似謂此棟案殄古文腆字腆善也尺許一束一輶五束故為善也毛詩籩簋不殄箋殄當為腆燕禮不腆之酒注云古文腆作殄

終日馳騁左不捷注云書捷或作券元謂券今倦字也說文券勞也漢涼州刺史魏君碑云施舍不券是券與倦同毛居正六經正誤云券契字皆从刀古者刻木為之故从刀从力者古倦字考工記輶人左不券是也

治氏案周有函治氏為齊大公置良劍見戰國策高誘注曰函姓治官名也因以為氏知鑄劍曉鉄理能相劍鮑人云察其線欲其藏也注云故書線或作綜杜子春云綜當為系旁泉讀為緹謂縫草之縷說文綫縷也古文作線與綜相似漢書功臣表云不絕如綫晉灼曰綫

今線縷字以線為今文未之攷也

韞人為韞陶穹者三之一鄭司農云穹讀為志無空邪之

空案弟子職云志無虛邪或古本虛作空故讀从之古

穹與空同韓詩白駒云在彼穹谷文選注今詩穹作空薛君

曰穹谷深谷也

玉人 天子用全上公用龍侯用瓚伯用將注云玉多則

重石多則輕公侯四玉一石伯子三玉二石說文曰全

純玉也龍四玉一石也瓚三玉二石也將說文作埒埒

玉石半相埒棟案鄭氏之說本逸禮王度記引見白虎通許

氏之說蓋本賈逵逵作周官解故許从之受學故說文

多依其說

矢人 凡相筈欲生而搏生謂材生也古謂初取之材為

生管子曰棟生橈韓非子曰涂濡而椽生皆謂初取之

材也生而搏者燥則直是良材也

梓人為飲器勺一升爵一升觥三升趙明誠曰大觀中澠

之昌樂丹水岼得爵及觥二器以觥量之適容三爵與

攷工記合鄭氏據韓詩以為觥當作解七經小傳云一

以一升酬以三升也并而計之為四升四升為豆豆雖非飲器其計數則然此劉氏欲闢鄭氏改豆為斗之說

案文云爵一升觥三升一獻而三酬適合一斗之數故鄭云豆當為斗如劉氏之說當云一獻而一酬乃合一豆之數

廬人 炙諸牆注云炙猶柱也釋文云炙音救對也音樹

炙說文引作久云從後炙之象人兩脰後有距也案既

夕云木桁久之注云久當為炙士喪禮云幕用疏久之

注云久讀為炙謂之蓋塞其口下注云以柱兩墻之間

輓而內之與儀禮久之同義是久為古文炙為今文也

炙從火久聲
左文省火

車人為耒庇長尺有一寸鄭司農云庇讀為其額有疵之

疵謂耒下岐疏云俗人謂額額之上有疵病故讀從之

棟謂其額有疵當在孟子今書疵作泚或先鄭所據本

與趙氏異耳賈疏失之

弓人 蓄栗不也注云栗讀為裂繻之裂毛詩東山曰烝

在栗薪箋云栗析也古者聲栗裂同也

九經古義卷八



